

朔方備乘卷第四十五

考訂諸書五

考訂龍沙紀略敘

臣秋濤謹案龍沙紀略係

國朝方式濟撰式濟字屋源安徽桐城縣人康熙

己丑科進士官中書舍人是編乃式濟之父登

嶧臣秋濤謹案一作澄嶧誤也謫居黑龍江時式濟往省因

據所見聞考覈古蹟勒為九門一方隅二山川

三經制四時令五風俗六飲食七貢賦八物產

朔方備乘

卷四十五

考訂龍沙紀略敘

一

九屋字總名曰龍沙紀略考後漢書班超傳贊

曰坦步蔥雪咫尺龍沙章懷太子注曰謂蔥嶺

雪山龍堆沙漠也說者謂龍堆在西不在東沙

漠地繞西北亦不在東自劉孝標有賦得龍沙

宵月明詩李白有將軍分虎竹戰士卧龍沙之

句始誤以龍沙為一地且沿為塞外之通稱式

濟記東北之事而以龍沙為書名亦沿習舊文

之過也嗣是英和有龍沙物產之詠奎照有龍

沙紀事之詩皆指黑龍江省全境而言則又以

式濟此書為故實蓋詞人藻績之語輾轉相因

無足深訝惟是卜魁可木之疆北鄰俄國地處

極邊古昔輿圖既虞疏漏近時志乘祇據傳聞

式濟久寓於斯閒居多暇訪詢游覽事覈語詳

既足訂遼金諸史之偽並可補

盛京通志之闕原附載式濟詩集之後

欽定四庫全書析而錄諸史部誠以是編乃輿地家不

可少之書也茲錄其全文加以考訂或亦籌邊

之一助歟

朔方備乘

卷四十五

考訂龍沙紀略敘

二

龍沙紀略

方隅

邊荒沿革傳聞異辭黑龍江尤為絕域古史書

而不詳

盛朝大一統之化方隅日廣余備極蒐討得梗概焉

蓋自奉天過開原出威遠堡關而郡縣盡臣秋濤謹

案雍正五年曾於吉林省設永吉州又於甯古

塔設泰甯縣白都訥設長甯縣是關外亦曾設

州縣方式濟此書撰於康熙年間外有七鎮曰

稽林烏喇

臣秋濤謹案即吉林烏喇今吉林省會也在奉天府東北八百二十餘里

曰甯古塔臣秋濤謹案甯古塔在吉林東北六百四十餘里曰新城臣

濤謹案即白都訥城也在吉林西北五百二十里舊名納爾渾康熙三十二年始築城三十

三年移吉林副都統鎮守於此境內有舊白都訥城在今城東二十五里周里許已圮建置年

代無考因有舊城故曰伊蘭哈喇臣秋濤謹案

名今城為新城也

也在吉林東屬甯古塔將軍轄臣秋濤謹案順

北六百里塔昂邦章京康熙元年改設鎮守甯古塔等處

將軍十五年移將軍駐吉林而仍稱甯古塔將軍至乾隆二十二年始改稱吉林將軍方由新

式濟此書成於康熙年間故仍舊稱也

城之白都納臣秋濤謹案渡諾尼江而北曰卜魁臣秋濤謹案即今齊齊哈爾城黑龍江將

魁軍治焉在奉天府東北一千八百餘里曰朔方備乘

墨爾根臣秋濤謹案墨爾根城在齊齊哈爾城北四百三十五里曰艾渾臣

濤謹案亦作愛琿康熙二十二年築此城在今黑龍江城北十二里今黑龍江城在齊齊哈爾

城東北入屬黑龍江將軍轄皆在奉天府東北百餘里

廣輿記載沿腦溫江上自海西下至黑龍江按

後魏有黑水部唐有黑水府府治在今開原縣

而今之吉林甯古塔新城隸焉以黑水名者因

黑龍江尾也黑水部四至無考今腦溫江在蒙

古境內臣秋濤謹案腦溫江即嫩江

卜魁站名原在土人謂驛為站在新城之北八百里距七

站或曰大力人為布枯曾有布枯居此故名今

曰卜魁誤也或曰有達呼里人名卜魁耕於此

或曰元置軍民萬戶府五一曰孛苦江今卜魁

枕腦溫江而孛苦江未知所在舊站去城十五

里地名齊齊哈喇立城後移站於城城因站名

官文書皆稱之

墨爾根河名鎮城依河西在卜魁東北四百二

十里距六站相傳康熙初年掘井得石有莫來

耕三大字繫唐年號余按唐疆宇不及此且非

朔方備乘

誥誠勒石語也

艾渾在墨爾根東三百四十里距五站一名艾

許言可畏也鎮城在黑龍江西岸江之東有舊

艾渾城相傳元黑龍衛城也臣秋濤謹案元時

承榮初仿唐舊廩州設立衛所空名而明實錄

明會典諸書遂載至四百五十有八衛其中有

哈喇烏蘇衛蒙古語哈喇烏蘇黑水也舊語考

耶兀今譯改明實錄承榮五年黑龍江等處部

人珠赫瑚什祜等來朝因置哈喇烏蘇烏蘇哩

二衛當即此地方式濟誤記衛名且誘明代為

耳自鎮城西北千一百里為雅克薩城舊址

過此而西又千餘里今邊界立有界碑

朔方備乘 卷四十五 考訂龍沙紀略 三

朔方備乘 卷四十五 考訂龍沙紀略 四

按輿表黑龍江將軍境東至海五千里西至喀爾喀界一千八百里南至松花江八百里北至俄羅斯界三千里據卜魁言也其言松花江指白都納之左與諾尼交會處俄羅斯自西北袤延至正北為地甚廣今界碑在西北昂班格里必齊河之東而北有山為限

考四境元時盡隸版圖明代皆蒙古席昂達呼里紅呼里索倫散處之

國朝之初悉歸附焉後俄羅斯侵入境內築城曰

朔方備乘

卷四十五

考訂龍沙紀略

五

雅克薩又順黑龍江而南據呼麻拉康熙二十三年

上命甯古塔副都統薩布素率舟師由松花江溯黑龍

江上流伐之彼自呼麻拉退保雅克薩城大兵

於艾渾立城與之相距康熙二十八年圍雅克

薩城攻之急彼遣使開道詣

闕額請

命解圍聽其去而雅克薩城廢西距千餘里立界石艾

渾遂永為重鎮以薩布素為黑龍江將軍從征

軍士自甯古塔遷婦子家焉復於墨爾根設參領卜魁設副都統分兵為協鎮康熙三十二年薩帥以墨爾根居兩鎮間首尾易制奏請移節而艾渾改駐副都統康熙三十八年復以墨爾根地瘠不可容眾奏移卜魁而墨爾根增置副都統今將軍仍稱黑龍江者沿艾渾立官之始也

俄羅斯古大食國臣秋濤謹案今俄羅斯南境日爾日等部本古大食國地然竟以俄羅斯為古大食國則非也歷今一千七百一十餘年秋

朔方備乘

卷四十五

考訂龍沙紀略

六

濤謹案此誤以耶蘇教紀年為俄元太祖與其

弟分收地其弟滅俄羅斯即以封之臣秋濤謹案元太祖

命長子尤赤滅俄羅斯因以封察罕汗白為

察罕汗即可汗之稱國仍舊名元入中土沿腦

溫江黑龍江置驛歲與察罕汗通問慰江岸殘

址猶有存者其王都曰脫博斯奇城臣秋濤謹案脫博斯

奇城即托波爾城乃俄羅斯錫近邊曰泥撲處

伯利部噶噶林所治非王都也臣秋濤謹案

城即尼布楚城色楞額城尼爾苦斯城臣秋濤謹案

額爾尼爾苦斯有總管駐守入通市者皆泥撲

處人別其種曰羅刹誤老鎗又誤老羌臣秋濤謹案俄

羅斯本羌種老鎗誤老羌不誤也

卜魁城之南諾尼江以東通鏗河以西蒙古杜

爾伯特地輿表云杜爾伯特東至黑龍江將軍

界一百四十里西至札賴特界三十里南至郭

爾羅斯鎮國公界一百四十里北至索倫界一

百里

杜爾伯特以南至松阿里江北岸蒙古郭爾羅

斯地按輿表郭爾羅斯東至杜爾伯特界八十

朔方備乘

卷四十五

考訂龍沙紀略

七

里西至本部輔國公界一百四十里南至烏喇

將軍界一百四十里北至杜爾伯特界一百二

十里蓋杜爾伯特地象曲尺與郭爾羅斯錯故

東北皆倚也

卜魁城西渡諾尼江蒙古札賴特地輿表云札

賴特東至杜爾伯特界三十五里西至郭爾羅

斯鎮國公界二十五里南至郭爾羅斯輔國公

界一百五十里北至色衣鏗山無交界余按西

至當是科爾沁鎮國公界郭爾羅斯似誤輿表

載科爾沁鎮國公地東至札賴特界可證

黑龍江以南拖心河以北諾尼江以西臣秋濤謹按舊

本西誤作東今鄂爾姑納河以東八圍人索倫

地

黑龍江以北精奇尼江源以南虞人鄂倫春地

其眾夾精奇尼江以居臣秋濤謹案虞人即布特哈也

鄂爾姑納河以西枯倫海以北鄂羅斯虞人地

臣秋濤謹案枯倫海即呼倫湖也

枯倫海以南喀爾喀河以西巴爾虎地臣秋濤謹案巴

朔方備乘

卷四十五

考訂龍沙紀略

八

爾虎亦作巴爾呼

山川

卜魁以南至新城數百里皆平漠其三面之二

百里內亦無山過此則巖巒層疊多從興安嶺

發脈而溪澗陂湖之水潑洄於境內者以數百

計皆蒙古名莫曉其義最大者三江黑龍精奇

尼諾尼也甯古塔屬之松阿里烏蘇里二江與

諾尼黑龍會為混同而受境內諸支流故並紀

之江曰烏喇河曰必拉湖曰諾羅臣秋濤謹案亦作諾爾淖

爾騰 海曰鄂模

黑龍江源明一統志云出北山

盛京通志亦祇云出西北塞外今按江源出俄羅

斯境臣秋濤謹案黑龍江出外蒙古車臣汗境流入俄羅斯界經尼布楚城又東流入省

境此云出俄羅斯境誤也其上游為敖嫩河敖嫩源出阿母

巴興安諸山之南東流六百里與科勒蘇河合

又東北八百里受眾流為黑龍江北會泥撲處

河經泥撲處城東又三百餘里北流至昂班格

里必齊河界碑入我境東抵察哈鹽峰凡一千

朔方備乘

卷四十五

考訂龍沙紀略

九

五百餘里復東南流六百里經多斯峰呼麻拉

故墟之間至額蘇里與精奇尼江合其合處猶

未至艾渾數十里也

過新艾渾城東門稍東南流經拖里爾峰博枯

里山西北至蘇爾喜峰之北又折而東經茂峰

喀木之間臣秋濤謹案茂峰在黑龍江城東南九百里喀木尼峰在城南一千一百

里江出兩山之間近至葉爾白黑河與松阿里

刻喀木作喀木非是

江合西北視艾渾城已千里矣

江在俄羅斯境內河之自西而東入江者九曰

中國少數民族古籍集成(漢文版)

朔方備乘

〇〇五

巴爾稽曰阿哈楚曰他爾巴哈泰曰圖魯泰曰

他拉巴爾集曰特楞曰俄克碩曰俄倫曰昂依

德河之自南而北入江者三曰撲拉訶集曰圖

里格曰温多

其自界碑橫而東也河之由西北而南入江者

九曰阿集格格里必齊曰卓爾克奇曰昂班格

里必齊曰俄羅斯曰倭爾多昆曰烏里蘇曰博倫

穆達曰額爾格曰必勒覃也自南而北入江者

四曰鄂爾姑納河曰末河曰厄牧勒河曰旁庫

朔方備乘

卷四十五

考訂龍沙紀略

十

河鄂爾姑納為俄羅斯界河故其名獨著小河

匯此而入江者十有一曰依木曰牛耳曰墨里

兒肯曰特爾布爾曰根曰開拉里曰伊密曰特

納客曰魁曰莫勒根曰札敦而伊密特納客魁

莫勒根札敦五河又匯於開拉里以入鄂爾姑

納達於江

枯倫海周匝千里在黑龍江之南開拉里河之

左其南有烏里順河烏蘭泉及俄羅斯之克魯

倫河臣秋濤謹案克魯倫河上源亦出外蒙古境此以為俄國之水非也皆北來

匯於此由鄂爾姑納達江克魯倫河發源之山

與黑龍江源阿母巴興安南北相望亦大川也

枯倫海東南八百里內又有噶爾必海烏闌海

市育里海臣秋濤謹案當作布育里海通志作布爾湖即貝爾泊也以受

南北山之水其支河七曰阿母巴哈爾渾曰伊

闌色模曰喀爾札布魯克圖曰訶爾訶齊曰西

巴拉泰曰呼魯思泰曰喀爾喀各以距三海近

者入之而仍由烏里順河北注以枯倫為歸宿

江自察哈鹽峰而南也至呼麻拉城始有支河

朔方備乘

卷四十五

考訂龍沙紀略

十一

曰呼麻拉河由西北入也其匯入呼麻拉之小

河四曰他哈曰呼集里曰窩勒科曰呼蘭其發

源多斯峰下者有河曰模林發源阿拉爾山下

者有河曰墨勒爾由東北入也斜與墨勒爾相

對由西北入者曰枯丁河又新艾渾城之前曰

昆河博枯里山麓曰孫河入孫河匯流者曰占

河皆由西北入又朱德赫山發源者曰墨里爾

克河圖勒爾山發源者曰博吞河皆由東北入

與孫河相射

江自蘇爾喜峰復折而東也峰之左曰牛滿河

峰之右曰哈拉河又茂峰之左曰吉林河茂峰

之右曰枯木奴河又有朱春河枯育魯河蘇魯

河必占河由東北而入江者八也又臥龍旗河

五耳噶爾河西林母地爾河西鴉蠻河匯牛滿

以達於江者也與牛滿斜對曰擴爾芬河過此

又有五音河嘉里河富河債河葉爾白黑河由

西南而入江者六也

盛京通志云黑龍江即薩哈連江薩哈連者黑也

朔方備乘

卷四十五

考訂龍沙紀略

十一

金史云混同江一名黑龍江水微黑考混同源

出長白山舊名粟末江遼改為混同江土人呼

松阿里江金志誤宋瓦又傳誤松花其流自南

而北黑龍江自北而南其與黑龍會歷二千五

百里之遙則兩江不得混稱明矣松阿里江北

與諾尼江合流折而東北受黑龍江又南受烏

蘇里江匯注於海因其納三江之大故名混同

則其上游未會於諾尼仍當稱松阿里江也金

祖伐遼將攻黃龍次混同江無舟楫乘赭白馬

竟涉世宗大定二十五年封混同江神立廟致

祭蓋坤靈所鍾由來舊矣

精奇尼江

盛京通志不載臣秋濤謹案此指舊志而言精奇

尼形容之詞如云誠哉是也江源出境內極北

之山在察哈鹽峰之北將及千里江形如弓東

南流八百餘里合西里母低河復折而西三百

餘里至額蘇里與黑龍江合

河之自西北而東南入於精奇尼江者二納爾

朔方備乘

卷四十五

考訂龍沙紀略

三

赫蘇希河拖喀河也自東北而西南以入者十

有七最大者曰阿爾集曰甯尼曰西里母低也

其小河由阿爾集以達者額爾格也烏能也烏

拉喀也由甯尼以達者勤都也帖牛也由西里

母低以達者陰鏗也畢沙也陽奇爾也那拉也

鄂爾模爾科也木龜也翁額也外此曰烏爾格

曰託莫曰貝敦烏爾格與江發源一山雙汊並

下不百里而合託莫貝敦發源於都立奇山後

池遷以入而江將盡矣

諾尼江即腦温江

盛京通志作諾尼蒙古謂腦温為碧諾尼意同今

呼嫩江明一統志云源出西北邊外不可考蓋

江之在明為國脫而一統志載之者第指其與

松阿里合流處故不知其源今按江源出宜呼

爾山山在黑龍江之南與安嶺下江流自北而

南經查克達奇山之東額勒克爾山之西循墨

爾根城北門復稍轉西下抵卜魁城西門凡一

千四百餘里與松阿里江合

朔方備乘

卷四十五

考訂龍沙紀略

古

河之自西北而東注諾尼者十有八曰東郭羅

曰喀拏曰孤壘鏗曰訥都兒曰多布科爾曰謹

鏗曰甘河曰雞窩兒曰努敏曰必臘曰格尼曰

阿倫木曰枯爾奇魯曰枒兒曰機勤曰哈岱坎

曰綽爾曰拖心也東郭羅發源於興安嶺與江

源斜並遙望水光夾瀉近接宜呼爾山故誤謂

諾尼兩源並出也至諸河互有支幹雞窩兒由

甘河達江必臘格尼由努敏河機勤由枯爾奇

魯河哈岱坎由枒兒河拖心由綽爾河

河之自東而西人諾尼者十有一曰納玉兒曰
喀魯兒曰倭多曰密奇爾曰墨陸爾曰木訥爾
曰訶魯爾曰墨爾根曰羅拉喀曰訥木爾曰塔
葛爾也密奇爾由墨陸爾達江木訥爾由訶魯
爾達江羅拉喀由訥木爾達江又納玉兒喀魯
兒之間有湖曰依克車勒克奇湖不通江

境之南界松阿里江發源長白山北流四百餘
里經稽林鎮城之東又西北流二百里出法塔
哈邊折而西繞白都納城南西北三面凡三百

朔方備乘

卷四十五

考訂龍沙紀略

五

餘里與諾尼江合其上游之支河不具載自合
諾尼東北流一千六百里北會黑龍江又四百
里南會烏蘇里江是名混同江江之南屬甯古
塔其北為境內地河之自南而北入江者六曰
拉林曰阿爾禧庫曰非克圖曰奇普拉曰馬淹
曰呼拉哈西北入江而流長者曰亦肯河其小
河由亦肯以達者曰希非勒曰博訶里曰發兒
圖渾又有敖乾河音達母河阿母巴河皆西北
流以入焉河之自北而南入江者曰呼輪河其

小河之由呼輪以達者曰通鏗曰納民曰額渾
曰額集米曰呼拉庫其呼輪以東河之南匯於
江者曰碩羅曰富特庫曰木淋曰阿集格富拉
渾曰昂班富拉渾曰西林曰昂班烏那渾曰西
帛曰昂班呼特亨曰巴蘭江之北三百餘里有
團海發源汪濊出坎匯小河十有三東達於江
曰烏莫盧曰哈木奇曰依春曰查里曰必罕曰
窩集曰活曰吞曰洪烏曰木孫曰圖曰哈羅曰
阿西克灘

朔方備乘

卷四十五

考訂龍沙紀略

六

烏蘇里江發源西嚙塔山之北在甯古塔之東
千餘里歷千二百里北與混同江合將入之數
十里東西歧而為二自是東北流合黑龍精奇
尼諾尼松阿里烏蘇里五江之水歷千餘里入
海此千餘里中河之自北而南匯入者二曰奇
母尼曰枯魯河之自西而東匯入者十有九曰
努雷必兒特曰克赤曰富達兒他拉哈曰莫兒
奇他拉哈曰格林曰勾根曰科兒古曰卓羅曰
多林曰赤克圖哈曰必占曰犀陳曰梅枯曰亨

滾曰齊林依曰喀圖米曰約米曰里赤曰法特
海其由格林河以達者爲朵索米河由亨滾河
以達者爲哈達烏爾河厄米勒河河之自東而
西匯入者二十有三曰敦敦曰巴拉兒曰必兒
古曰由特曰哈爾集曰希拉河曰粘達哈曰合
里曰刀灣曰希兒巴希曰訥母登忒曰敖梯曰
約民曰葵馬曰夏里曰馬哈兒赤曰赫勒里曰
發停曰器甯曰阿科起曰巴喀曰敖達里曰科
齊按黑龍江發源俄羅斯境臣秋濤謹案此語誤辨已見前

朔方備乘

卷四十五

考訂龍沙紀略

七

西至東凡七千餘里精奇尼江源以南松阿里
江源以北南北凡三千餘里百谷萬派莫不循
度朝宗重潤之慶車軌斯同誠哉王會之大觀
也

興安嶺一曰新安嶺或曰蔥嶺之支絡也盤旋
境內數千里襟帶三江之左右爲眾流發源由
卜魁至墨爾根艾渾置驛嶺上巡邊者渡諾尼
西北數百里則涉降取道松柞數十圍高窮目
力穿林而行午不見日石色斑駁若趙千里畫

中國少數民族古籍集成（漢文版）

朔方備乘

幅間物有石洞洞中几榻天然如琢行者闢草
得之藉少憩焉

察哈鹽峰在黑龍江東北隅山形如剖壁面西
南背東北峭削千尋根插江底土色黃赤無寸
草腰亘兩帶深黑火光出帶間四時騰熾不絕
大雨則煙煤入雨氣中延罩波上巡邊者舟過
其下續長竿取火爲戲兩帶相去數丈許竿止
及下帶也山背萬木蔥鬱藍翠異狀雖窮冬不
凋

朔方備乘

卷四十五

考訂龍沙紀略

七

經制

卜魁將軍副都統各一員統八旗各協領一
佐領五防禦一驍騎校五火器營參領一員值
訓練八旗量撥官佐之無定制先鋒營佐領二
選於八旗非特設也墨爾根副都統一員八旗
共協領四防禦二旗各佐領二驍騎校二惟鑲
藍旗佐領驍騎校各一無火器營而先鋒營如
卜魁制艾渾副都統一員協領與墨爾根同旗
各防禦一佐領三驍騎校三火器營統於卜魁

〇〇九

參領訓練如卜魁制先鋒亦然

卜魁兵二千有四十滿洲漢軍暨索倫達呼里

巴爾虎充之艾渾兵一千二百無巴爾虎餘同

墨爾根兵九百皆索倫達呼里人三城佐領滿

洲二十有九又灰鴉拉別部籍入滿洲者佐領

三索倫十有一達呼里二十有八巴爾虎四漢

軍六計八十一員分轄其眾歲於九月大閱

卜魁戶口二萬有二十七墨爾根五千七百三

十八艾渾一萬三千有二十四漢軍達呼里巴

朔方備乘

卷四十五

考訂龍沙紀略

九

爾虎兵役以及站丁黥奴皆與焉商賈往來無
定亦立冊以稽

三鎮二十驛各千總一筆帖式一丁三十名馬

三十匹牛二十頭管驛官二各司十驛一駐卜

魁一駐墨爾根土人稱為站官

卜魁水師營總管一四品官二五品官一六品

官二四品五品六品者猶之佐領防禦驍騎校

也皆漢軍為之艾渾官制同而統於卜魁總管

水手皆流人充役卜魁三百一十九艾渾四百

二十七流人漸多或老懦者則輸費正役日幫

丁水手食兵餉之半故一正予一幫

戰艦百隸黑龍江者六隸諾尼江者四蓬漿貯

水師營庫八月將軍副都統率水師揚旗鳴鉦

鼓使風於中流凡三日

戰艦五年大修十年拆造就材稽林故稽林又

名船廠凡几案甌噐之屬皆附船致之卜魁艾

渾諸城

卜魁艾渾官莊各二十墨爾根官莊十一莊二

朔方備乘

卷四十五

考訂龍沙紀略

十

十夫夫輸穀十石原注準制斛三十石草五百束歲歉則

計分以減今貯倉者卜魁積十二萬石墨爾根

艾渾各三萬石卜魁初立城值歲饑將軍沙納

海盡發倉穀以賑并撥附采珠船以濟布塔哈

烏喇引罪人奏議於來歲屯種還倉請

救蒙古助牛力

上允其請溫語褒之邊人至今感述其事

索倫本名索我羅地產貂以捕貂為役居地詳

方隅分八圍共四千九十餘人就其用其人為佐

領六十九員轄之更設烏和里大依里奇大統
焉烏和里大猶總尉也依里奇大爲副皆八旗
人其在城之索倫兵七十餘人則初設鎮時收
入八旗者不在八圍之內亦不應捕貂役

達呼里索倫屬俗誤打狐狸語音與蒙古稍異
開襟漢語當是元代軍民府之遺索倫達呼里
諸部涵沐

聖化貢身朝廊近頗以材武自表見有爲近侍者邊
人榮之

朔方備乘

卷四十五

考訂龍沙紀略

五

三城兵籍達呼里居數之半

原注卜魁滿洲兵五百八十一漢軍

二百二十索倫七十四巴爾呼二百四十達呼

里九百二十五艾渾滿洲兵五百八十漢軍一

百二十索倫與達呼里共五百

墨爾根索倫與達呼里共九百

巴爾虎者喀爾喀中之一部也居地詳方隅其

戍此者闌入俄羅斯境大軍征俄羅斯來歸遂

編入旗今充兵者二百四十人卽以其人爲佐

領
三城軍器之散在兵者以時修補新舊相授受
火器備官庫操練時出之

卜魁官馬千牛千羊萬歲計其孳息均賞三城
軍卒

墨爾根艾渾各遣人來應打草役皆腰長鎌著
樺皮冠

五月三城各遣大弁率百人巡邊至鄂爾姑納

河河以西俄羅斯地察視東岸沙草有無牧痕

防侵界也往返各五六十日卜魁往者渡諾尼

江指西北過特爾枯爾峰與安嶺涉希尼客河

開拉里依木等河草路瀰漫無輒迹辨方而行

朔方備乘

卷四十五

考訂龍沙紀略

五

剝大樹皮以識歸路墨爾根往者亦渡諾尼江

西北過興安嶺盤旋層嶂中其路徑爲易識艾

渾往者從黑龍江湖舟北上折而西過雅克薩

城故墟至界碑 路多蝥如蜂其長徑寸天無

風或雨後更熾行人嘗虛廬帳以納蝥而宿於

外帚十數齊下人始得餐螿馬牛流血身股盡

赤馬軼覓深草間見蝥高如印知其必斃棄不

顧矣 囊餼糧於樹歸時取食之近頗爲捕生

者所竊乃理而識之 渡河伐樹爲筏馬馱水

以過 俄羅斯居有城屋以板爲瓦廊廡隆起層疊望之如西洋圖畫耕以馬不以牛牛千百爲羣放於野欲食牛則射而仆之曳以歸邊卒攜一縑值三四金者易二馬煙草三四斤易一牛

秋盡俄羅斯來互市或百人或六七十人一官統之宿江之西官居毳幕植二旗於門衣冠皆織罽爲之秃袖方領冠高尺許頂方而約其下行坐有兵卒監之所攜馬牛皮毛玻璃佩刀之

朔方備乘

卷四十五

考訂龍沙紀略

三

類易縑布煙草薑椒糖錫諸物以去 俄羅斯來文二函一彼國字一蒙古字貴官與商賈名

悉載康熙丙申歲來文稱察罕汗一千七百一

十六年蓋溯自有城郭人民始也

臣秋濤謹案此誤以耶蘇

教紀年爲俄羅斯有國之年求其說而不得又從爲之辭辨見羣書正誤

代官職於前重世祿也將軍以其文達兵部理

藩院

出爾罕者兵車之會也地在卜魁城北十餘里

定制於草青時各蒙古部落及虞人胥來通市

商賈移肆以往艾渾墨爾根居沽亦皆載道輪蹶絡繹皮幣山積牛馬蔽野集初立劃沙爲界各部落人駐其北商賈官卒遊人駐其南中設兵禁將軍選貢貂後始聽交通凡二十餘日

貂產索倫之東北捕貂以犬非犬則不得貂虞者往還嘗自滅其食以飼犬犬前驅停嗅深草閒卽貂穴也伏伺擒之或驚竄樹末則人犬皆息以待其下犬惜其毛不傷以齒貂亦不復戕動納於囊徐俟其死人歲輸一於官各私識毛

朔方備乘

卷四十五

考訂龍沙紀略

三

色彙佐領處五月將軍至墟場選以貢凡三等官給價有差不入等者聽鬻

紅呼里索倫屬俗誤紅狐狸應捕貂役隸八圍

之內

鄂倫春與俄羅斯接壤隸籍者五百六十五人

十佐領轄之輸貂如索倫制

混同諾尼諸江汙產珠布塔哈烏喇歲有打珠

船來采以貢有珠之河水冷而急以大船夾葳

瓠植篙透底數人持之泗者負袋緣篙而下得

蚌滿袋貯蕨瓠中官督割之未成珠者仍棄於水私采之禁等於鬪參原注蕨瓠獨木船名臣秋濤謹案蕨瓠一作威

打鷹流人役也人歲輸二鷹以海青秋黃為最

貢無定數多不踰二十常倍備之以防道斃艾

渾墨爾根各三十架送卜魁將軍彙選之

江冰始獵參領以下獵雉將軍獵野蔬於通鏗

河備貢數通鏗蒙古地先期移文告之

正月雪後黃羊乃大集水師營率水手步獵之

朔方備乘 卷四十五 考訂龍沙紀略 五

艇擊輒中

築城不以土視隰地草土糾結者掘之尺度如

墜曰堊塊臣秋濤謹案堊音伐耕起土也厚數堊高不盈丈圮

則按地分旗飭兵修之

時令

四時皆寒五月始脫裘六月晝熱十數日與京

師略同夜仍不能卻重衾七月則衣棉矣立冬

後朔氣砭肌骨立戶外呼吸頃鬚眉俱冰出必

勤以掌温耳鼻少懈則鼻準死耳輪作裂竹聲

痛如割土人曰近頗稱煖十年前七月江即冰不復知有暑也

墨爾根山城寒益烈臥炕必為通夜之火更設

大鑪然薪於側燄甫盡則寒氣入室臥者驚而

起矣數益薪始及旦

春月多風四月下旬草始芽間亦早苗而漠風

乍寒輒復槁牧馬居五月乃能飽蓄也

雪有遲早卜魁常在八九月艾渾八月墨爾根

七月雪不必雲也晴日亦飛霰或皎月無翳晨

朔方備乘 卷四十五 考訂龍沙紀略 五

起而籬徑已封旭光杲杲雪未已也

雪化簷無垂澌偶懸三五寸羣以茲卜豐歲

積雪在地氣暖則潛消而無流溢視所積日益

耗而其墳然向日者仍堅凝如故也

冬月窗壁挂冰皆滿疏櫺間如飾晶玉午後窗

暝不能作字火炙之與紙俱落春暖乃自消蓋

鑄竈噓氣所積也空室則否

秋分之後微霜以降著花減色名為甜霜更十

餘日一霜而百卉皆盡如出湯釜是名苦霜

九月地皮裂

望後月上時與中土異日落月隨上也廿二三如中土十八九時

南風則雨不雨亦陰晦北風晴

風俗

族類不一客民尤夥兼以黠徒歲增築鰲未化頗稱難治幸法嚴無所逃尙畏讐不敢肆耳官廨文案防檢甚疏而無敢爲姦弊者又其風之近樸也

朔方備乘

卷四十五

考訂龍沙紀略

毛

一夫力作數口仰食而有餘而炊飪浣汲春磴之事婦女並習勤苦故居人置奴婢價常十倍於中土奴婢多者爲富以其能致富也各部落聘婦例納牛馬其遠者貧者或挽媒定其數先以羊酒往如贅壻然待牛馬數足而後歸其夫焉夫將老終不能給慙而去亦聽之其女及所生終其身於母家近亦稍除其舊俗矣鄂倫春婦女皆勇決善射客至腰數矢上馬獲雉兔作炙以餉載兒於筐裂布懸項上射則轉

筐於背旋迴便捷兒亦不驚

索倫人以射獵爲生挽弓皆踰十石嘗自縛於樹射熊虎洞身曳之而歸尤善躡蹠人馬有亡失者蹤之卽得越數百里而知蹤之離合且能辨其日次亦異能也

臘月八日達呼里紅呼里男婦並出獵兔取腦爲速產之藥

除夕懸弓矢門杙間相傳我

太祖皇帝曾於除夕克強敵

朔方備乘

卷四十五

考訂龍沙紀略

天

帝業由此以成諸屬國豔頌之遂沿爲俗

降神之巫曰薩麻帽如兜鍪緣檐垂五色繪條長蔽面繪外懸二小鏡如兩目狀著絳布裙鼓聲闐然應節而舞其法之最異者能舞馬於室飛鏡驅祟又能以鏡治疾徧體摩之遇病則陷肉不可拔一振蕩之骨節皆鳴而病去矣

多魅爲嬰孩祟者形如小犬而黑潛入土埕惟巫能見之巫伏草間伺其入以氈蒙突執刃以待紙封埕門然鐙於外魅知有備輒衝氈而出

巫急斬之嬰頓魁婦著魅者面如死色喃喃如
魅語晝行有小犬前導巫亦能為除之

病家束草象人或如禽鳥狀擊鼓作厲詞以祭
喧而送之梟其首於道曰逐鬼

東北邊有風葬之俗人死以芻裹尸懸深山大
樹間將腐解其懸布尸於地以碎石逐體薄掩
之如其形然

失馬則亟註毛齒聞於官得馬者不敢匿富官
歸之酬以匹布

朔方備乘

卷四十五

考訂龍沙紀略

五

馬病然草於路牽馬側立口咩咩作呪詞

飲食

三城之地艾渾為腴產粟黍大小麥墨爾根產

糜蘄麥卜魁土最瘠惟產糜蘄似小米而黃即

稷也臣秋濤謹案此以糜為稷蓋用李時珍本草綱目之說程瑤田九穀考以高粱為稷

若糜米乃黍類也與稷不同關西謂之稭夏秋閒以未脫者

入金淺湯熟燻暴以烈日焙以炕火礪而炊之

香軟可食冬則生礪香稍減

穡麥馱厚而麤即燕麥也其實下垂如鈴又名

鈴鑄麥卜魁人曰移鎮之初此為常食購糜不

能盈石價倍今之稻米十年內始種糜而鈴鑄

麥從墨爾根來僅以飼牛馬間取作粥斗得粒

三升頗香滑多食作氣達呼里貴之以其易飽

也

稻米甚貴販自瀋陽用以待賓客食病者

三城並產蕎麥甘香如雪宜糕餅中土所未得

有

卜魁四面數十里皆寒沙少耕作城中數萬人

朔方備乘

卷四十五

考訂龍沙紀略

三

咸資食於蒙古糜田蒙古耕種歲易其地待雨

乃播不雨則終不破土故饑歲恒多雨後相水

坎處攜婦子牛羊以往氈廬孤立布種輒去不

復顧逮秋復來草莠禱穫計一畝所得不及民

田之半竊見

國家立官莊給牛種一兵卒之力歲納糧十石則

地固非瘠而力亦可用今流人之賞旗者且倍

於兵依而行之則歲徵糧不啻萬計而桀驁之

輩使皆斂手歸農又策之至善者守土者宜亦

計及此也

茶自江蘇之洞庭山來枝葉纒襍函重兩許值錢七八文八百函為一箱蒙古專用和乳交易與布並行

掃土為鹽味稍苦色黑去卜魁東西各百餘里地名喇嘛寺產此三城皆食之白鹽則來自奉天

黃米釀米兒酒閱日而成麩亦堪釀味甘而薄祀神用之取其速成而潔有醴酒之遺意焉

朔方備乘

卷四十五

考訂龍沙紀略

三

艾渾產蘇子榨油南人食之輒嘔久乃可嘗也東北諸部落未隸版圖以前無釜甑罍噐之屬爨物刳木貯水灼小石焯水中數十次淪而食之商賈初通時以貂易釜實釜令滿一釜常數十貂後漸以貂蒙釜口易之三十年前猶以貂圍釜三市一釜輒七八貂也今則一貂值數釜矣
卜魁西北二百里山崖松栝翳江冰後作炭者乃往故直賤於冬

貢賦

貢莫貴於貂與珠已載之經制其黃羊野鹿雉鹿之獲於野者作邊土之物貢宜矣至於盡其土實厥筐惟錯納於王家雖蔗節桴苳之微竝宜志懷方之盛焉

海青即海東青出遼東鷹鵠之最俊者明一統志云小而健能擒天鷲今出黑龍江左右

鴉雞雉屬出艾渾深山中及札賴特地雌者毛色若灰雄若濃靛譌呼黑雞歲捕生者入貢

朔方備乘

卷四十五

考訂龍沙紀略

三

遮鱸魚類白魚而首銳無骨味若鱸一名赭鱸一名細鱗歲貢百尾九月棲江濱捕而畜之歐李子柔條叢生高二尺許花碎白實如小李味酸澀甯古塔艾渾皆有之
花水出艾渾色赤望之如豆入口成液離枝十餘日輒化為水以蜜收為膏充貢
老鎗菜即俄羅斯菘也抽薹如萵苣高二尺餘葉出層層刪之其末層葉葉相抱如球取次而舒已舒之葉老不堪食割球烹之略似安肅冬

菘郊圃種不滿二百本八月移盆官弁分畜之
冬月苞紙以貢

菱六棱而小產諾尼江去皮乾之

蕎麥麩更三四磨者白如雪

艾渾麥麩甘香勝中土所產作餅鬆美

白堊如粉入水十餘日制其燥塗壁不裂

物產

杜實產艾渾小而赤似桑葚味酸

夸闌磨菇生卜魁城東草地內七月入市夸闌

朔方備乘

卷四十五

考訂龍沙紀略

三

者甌盧樵木所立之周遭也木氣入土生蘄故

名今因其白色黑闌名為花闌乃強解耳

老鎗穀莖葉如雞冠高丈許實如楸櫚子深赤

色取粒作粥香美

花有蜀葵兔葵萱蓼鳳仙長春刺梅金錢土人

呼兔葵為鬼臉葵

雀兒花色翡翠似鴛鴦菊而單蒂耐橫枝上如

鳥之翔

閃緞花以色名似龍爪而小山丹而曲

中國少數民族古籍集成(漢文版)

朔方備乘

草芙蓉不知何以名葉細如阜莢花黃同菊瓣
規高者亭亭二尺許

萬年菊花葉類草芙蓉色黃枝柔蒙密延蔓一

本可百餘花或曰卽層瓣高麗菊也

高麗菊產朝鮮枝葉類萬年菊單瓣色黃赤相

間如虎皮

日奇花類蝴蝶花而小一莖十數花辰收申放

數必奇故名葉如萱

高苳蓮卽罌粟六月始花高尺許葉如萬苳單

朔方備乘

卷四十五

考訂龍沙紀略

三

瓣微紅中土人攜千層五色種布之輒變

菊亦畏霜五月苗枝瘦弱八月移盆入室臨南

窗下十月花大如錢

棠梨郊圃間有之土人繫繪條於上曰神所憑

伏臘祀之有戕其枝者則怒不知何所取義

城南三十里有柳叢生細不及指高不及肩杏

亦然無成樹者花小不實土人老死不知鮮果

為何物也

藥味有益母草赤白芍藥防風黃芩百合木賊